

集部

欽定四庫全書集部

校對官助教臣胡予襄 謄録監生 日何沛霖 鏞

中書臣劉源溥覆勘 詳校官中書臣買 發 覆校官編修臣 汪

欠已日日 E 上腹山印祭酒先生書 虚南集 念親庭日近私心每以自喜 能不自惜者何也清生 人者求得老先生所為文 即聞當今天下有老先 菸清 撰

習以開發其愚昧凡平生大制作欲以訂既往以無將 觀威德之光於蘭橋之下而又得在與進之列時賜教 一態讀其文者賢愚皆獲其益意其胸中所守確然而表 風而心則以為依歸所在久矣顧陳賤俗子仰瞻天人 東洞達當以氣節道德名世者也於時雖未由一挹春 章誦之雖淺陋不足以窺測其與然竊見其詞氣老健 何路請闍凡更幾春秋乃令得至京師羣四方之士以 理味悠長而光明閨典正大無奇語無難字而亦無軟

金少口月白言

為之依歸即縱能私有所進而鑿空杜撰其能幾何耶 遇若此乃亦自棄而歸然則是歸也尚得如老先生者 讀雄文尚欲奔走門庭一領餘光而不可得而清也遭 不踰時遂爾趣歸百年之幸忽自棄之他日尚能必得 而不可親者一朝為知己清自念亦幸矣用是深願得 來者皆得而伏讀之於是向日之所概想慕望以為可仰 留供灑掃以卒業馬而鄙人家宅之私竟有以奪之曾 其門而入耶顧彼四方山林之下稍有志者仰清譽而

欠已印戶公馬

Į

虚齋集

清途次籍庇粗安第近南來天氣彌熱舟中不能常親 或給於多說而靡所適從似於古人所以一道德之意 明與本義不同者亦多搜掠以備成書使天下學者猶 或多哪於義理而非於本義至朱子有向前未定之說 如象日录日等字至今不知何謂而所来諸家之說又 罪清竊謂此一經者當時諸老纂脩既不依古易編次 筆硯所命批點易經大全八册尚有一册未完負罪負 金分四月百世 此清之所以快快而自惜馬者也未審比日尊候如何

懂得其一二者則亦批之有文采甚爛似於舉業可用 則惟批其一二而餘皆空之有本義意無两三端而彼 有發於義理者亦批之有雖切於本義而一意錯出者 者批之其非本義意者空之有雖於本義不甚切而實 以本義為宗而以尊命為據自程傳之外凡合於本義 俗學安敢有所是非於其間哉承命以來無任愧恐姑 而實詞勝理者則亦空之有數十句皆通而僅一二句

猶未也嗚呼當時諸老何人也猶有此憾况區區沒生

次足习事会等

虚衛集

之矣所恨性質愚魯工夫尤極應陳殊不能得其精當 非舉業所急然切以為此等處乃入易門户學者尤不可 不切要者則皆批之但主理勝不甚拘舉業要用也然 連板數說無一切要者則皆空之有連板數說而無一 而僅一二字未妥者則批其數十字而空其一二字有 未妥者則批其數十句而空其一二句有數十字皆通 不理會故亦從而批之若其中開字稍有可畧則皆畧 而亦在其中矣至於訓詁名義之間大體凡例之除雖 とうして

盖亦未嘗無說也惟老先生清暇時試一過目而加增 却自為條項可以逐一理會又象者材也及也者效天 傳也經中一盡一字中涵天人之秘亦烏可以易言但 之說者故未敢下手也夫上下經義理非獨易於繫群 紛擊間當取而讀之乃有思量移日而竟不得其歸 損馬則幸也獨繫解傅一册義理最為微妙衆說尤為 見之必多有不合而疵議非笑者然而區區選取之間 以副尊意徒能用其一已井蛙之見而已竊料朋友問

欠正り下上

虚蘅集

所能定其說哉政使有得於萬一亦豈能自信其必然 故也導命於河道屢訪海大尹舟欲以附之竟不遇今至 哉故此須老先生自裁之或更命工夫深者理之乃庶 或鬼神之情狀又或先天後天圖意也此直淺生俗學 幾不誤讀者耳清固不敢非特以舟中天熱不及為之 取源頭大道理發之動數十百言所言者或三才之道 下之動也既曰材曰動則有迹可尋矣若夫大傅則多 杭州因以託張鴻臚云 卷二

金片四月至書

十五日朝王而於初二十六日謁乳夫子清乃力請三 不同而與行於皇上者無異也二是三司官舊用初一 乃以正禮處王王却疑清有他意於其間也三是王素 司勿徇舊例俱用初一十五日行禮乃先謁孔夫子此 了朝服中蔽膝一件為無其服制與在朝行於親王者 清所以見怒於寧王者一是賀王壽之旦不得已獨去 與孫九峯先生書

次定四車全書

į.

虚齊集

有憾於林待用都憲讒人因言清與待用頗厚王遂併

王乃對三司道清獨有後言明欲誣以非議部古之罪 為王積怒而同僚又有挟術相傾者寧復敢一語及之 宣容潘王輕易挫折也至於奏討發衛事清當時已知 能詩文清姑據理對之為稍哪其初意盖朝廷方面官 王素知清無學術一日於宴侍間故設機械直譏其不 知清碌碌凡品豈敢望林公高致王亦待之過矣抑清 怒清而力求清之短使人於京師傳語欲以併壞之不 在官儘有過失然亦皆可對人言者固不之恤也四是

多けいたべい

旦死於無名則非惟有孤朝廷任使及斯文責望之意 信有道理在也特聞此王府中諸般左道俱有誠慮一 傅言若所傳果真豈但可發之於三司便應以聞於朝 察司官潘王亦不宜輕易訕詈且王此語必得之人所 清故因同僚之諭亦明言王者不宜輕易發言朝廷按 而吾一身上關祖宗所傳付下係族姓所籍賴者俱未 此界不敢輕自屈以取容随其多方据拾作冷作暖自 而罪之然傳言之人必得以為證固未可輕加誣也為

改定四軍全書

虚齊集

知而密之可也正德三年正月日某再拜 亦幸之甚矣相見知無日造次瑣瑣代面心照可也自 各也若有意於高則矯激矣清不為也但今得善其退 已而致仕耳豈是能高者况官任提學亦無用別索高 有失真而感知舊之聽者便中姑晷及此盖清亦不得 署也餘不敢盡言想近日江西人士至京傅說不一或 有一毫成立亦可處也故遂决意引疾致仕耳此其大 上天台謝祭酒先生書 卷二

私淑為愧耳三集之中遜志一編則天地正氣沉欝百 年而幾限減者一旦遂得其全以顯行於當世執事與 私心益用勤向慕不能忘第愚下之資不能遂籍是以 集讀之三集者皆執事所訂定表章其所關汝與近時 持義一時學士大夫所共推重清雖不肖心已知向往 人所刊行泛泛者迫不類執事所養於是益的然可辨 清家居時提學周時可先生當為清道及威德云東禮 矣已而得亦城論諌録讀之又得遜志齊集及亦城詩

大三日五二十

虚癖集

勞不減皆日者述之功矣遂使其正學其義氣令得與 良工為之苦心甚矣篇為之收句為之訂今日編集之 為伊周格天之業宜亦不遠而竟止此謂之何哉吾知 憾天地之心奈之何哉使斯人當日得盡行其志愚以 竟為人世用天地果有知乎哉痛言及此使人直有追 千載一人也天地幸生斯人而乃不終祐之使斯人得 黃亞卿公及前學諭趙先生之功大矣噫如遜志者盖 日月並垂光於天壤之内人人得而仰之自當萬古不

金分四庫全書

文宗主庶幾得以幸斯人而今日執事所位實宗主斯 於是乎有不可磨矣始清得覽是集時以為執事盖遜 今真可以旦暮視也理長於數亦明矣而執事之功亦 SA COLD IN LILES 久次第見矣近之為國家生長人才遠之為宇宙春秋 專為斯文出氣力凡關繫世道好事在所得為者皆不 文之任也豈非今日世道一機會哉清知執事自是得 志知己也于時華門私願只欲得執事輩人當路為斯 磨即此亦可以見道理之外利害成敗所較終不多古 墨 衛禁

大遠近豈可以同年語哉此天下知執事者之所為共 於一旦乃又若淡乎其情而全無所云云者清自知**固** 快固将大有期於後來也清向得見執事於劉時雅方 只云仕宦當作執金吾執金吾趣味如國子祭酒其小 自有其地如所聞近日條上六事亦其重節目也昔人 是非進之而遂斷國論費皇散以盡出其素藴者盖皆 銀定四庫全書 甚明恐執事過聽未知清之愚下而與進或太早耳盖 伯所繼遂進拜於朝房以十數年之仰慕而幸得瞻望 卷二

之門者以受教未有其地徒多在還無益或抵為賢者 欠己り見とい 行時清以賤疾在告不及拜送至負至負久欲奉書一 累也此豈有志慷慨舊勵者之為哉誠有自知自處之 責而已故每見賢人君子談吐間亦不欲多及好人好 今此之來碌碌何為私是為升斗之禄從事簿書求免 事有似乎厭言之者而亦不欲數數往來於大人君子 私見意執事或未之察也因便真吐其情云執事南 1 虚齊集

清蚕有慕賢之心然慕來慕去至今尚未得所慕到手

外者云 者人便特此少布悃素庶錢執事亦得知生非自甘於 · 增感愧昨因家叔父復監行追簡率奉謝未盡所言發 史刷卷復命来京言執事於語次曾一齒及且又有所 謝以素拙於翰墨尚未及也近者家叔父監生屠從御 恵教直以行時勢所拘制不及禀領為殞耳生得比益 都别後執事之風神道優常聳然目腹中清自抵家 寄周黄門書 卷二

金分四月台書

得其所之階也懋哉懋哉尊府老先生九月初遇此病 欠三可豆 二年 渠未果行又有托陳克謹寅長渠又以中途得命留家 銘心之感有難名言前此清有書托陳進士錫齊轉奉 中幸得奉侍半日辱所以策勵不肯父子者深遠備至 |个擢位黄門亦得行其道之地而大行所學使萬物各 聞两縣卓異政蹟雖音問两潤而中情相愛如春矣即 分內可知不欲縷縷既而得親執事於王成登科録繼 忽忽六七載匆受懂如數日其中憂故孔多百不如意 虚解集

城令朱君佐行奉此少申數年契間之情病中不次不 吏部或更行勘鎮巡有相留意亦當繼有陳也適因豐 文羞况學政所關儘重豈容老病庸流久尸其位不即 自引退哉已於七月馳本乞致仕今只待報到即行儻 駁且弱年邁五十而於分內曽未能一成立今茲冐名 悉統祈心照外奉韓柳文一部備覽又程文及文移各 提學而實學不聞道力不副心自知有負兹任徒貽斯 不竟達只此片心欝欝莫展久矣其為負也清禀氣既

金方四月全書

卷]二;

とこりき たいち 色色出人他日将必有以慰民望者固辱愛小子之所 然自公發之安知其不終行於後日也且公節行政事 · 情晴稱當清亦私銀一通近日為公借看亦皆以為切 曾少忘去歲論裁减宦鎮以靖地方一疏堂老三位皆 實精至之論也顧斯言之行不行其所關繁豈細故哉 自己西歲七月都下一別抵今適周二歲敬慕之心未 冊不為知已者自諱其醜也 與陳時安憲副書 Į 虚虧集

第 口库全書 甚著下民敬信如神明林廷玉先生在彼巡按每書來 當有見於世者因并為吾人及之意皆所樂聞也懋學 勵志有為又皆可望但自以學未成尚韜蓄其銳他日 在南都學行之重人無間言果符向日所諭近又有王 輒推重且曰所知鄉那中最出色者矣李貞伯儲静夫 願見者也林待用今已長憲雲南前在雲南數年威恵 今為南京户部主事兹因提學周先生告行益注懷仰 鴻儒者字懋學南陽人年三十二三學識不减静夫而

人今為廣東揭陽教諭其華藻似不甚出人而其學最 清戊午咸寓都下得拜送老先生致仕南歸當是時老 所任也亦周先生所知者公可協對然非其有屬於清 正文亦自好行尤可重來歲廣西若缺考試官此人某 臨紙 初岩無可言忽不覺縷縷又清友鄭昇者侯官縣 也幸亮之如不缺人則已不宜固必也 上東山劉先生書

次足刀軍在馬

Į

虚齋集

先生已絕念世途自分與赤松子為伴矣既而為先帝

|私門而老先生則因事見幾欲以全一生之大節欲以 人人知其不可一日無者况重以先帝之遺托去之一 所可論其涯量也哉且老先生數年在朝廷天下士夫 超起前却之態此豈止如近世名流期以一節自高者 所簡在士望所推載幡然復起為國家擔當大事無少 宇在老先生直忍遽出之口而形之辭哉彼人念不及 全君父之大思欲以立士夫之表則固宜决於今日之 天下大計識不剖破世間黑白而徒顛倒公論以效順

供今日之事真所謂以蚊負山者日夕戰慄非可自知 無進自甘搞死於下矣乃承老先生列位當道不棄使 為朝廷計為天下計則有大不然者不知誰當執其咎 退當不令重得罪於大人君子輩也數年以在草野不 罪於斯文清亦自揣矣果才弱不勝便當及早引身而 而令甥李學諭亦能察此意而相之庶幾可不至甚得 耳清自别去南都近二年家居又六年自知凡百有退

一去也然老先生今日之去為老先生計固得之矣若

天已日臣在事 一

虚解集

土

情正類此兹因今甥之便敬此少布其私莫盡愚悃惟 年然先父母之孽僅得封擴而未成墳大父母孽失其 不及修問吾府尊來承教帖益用感愧清今服闋已一 當自南京歸家僅數十日而家父喪百願違心以故久 能致書古云莫謂無心向門下也曾終夕望三台清之 清不肖奉辱二位先生知遇及與進意良厚感佩何可 俯賜道鑑幸萬 與内翰汪二先生書

金与口唇石量

陳憲愈到承惠翰并香桃感感來翰諭及貧病一節詞 徴矣夏末惟二賢千萬為國家為斯文順時保重是祝 此做官者絕無幾世道之薄可嘆而信郡之多賢益可 喪百苦業身家貧界重且志荒業廢自顧益無可仗以 地久未能遷亡妻亡兒尚寄淺土近日次兒年二十復 伸情悃吴公真有古循良風居今世而肯如此做人如 自立者北上之期未敢卜也兹因吴公便病中裁素一 寄李宗一書

大スシリラ ことう

虚解集

十四十

一多近四库全書 |静言思之儒者致用尚欲經理一世康濟羣生而今數 然此事自有宇宙來賢豪君子亦不知是多多少少屈 之陳劣如此亦可自考雖然士之常也今少率彭公自 口之家生計乃常不辨至數數仰資他人貽憂父母才 **康耳清賤病已一十年非止今日宗一所素知而始終** 受而無詞矣柰之何哉義命二字正須於此際有安著 情頗切清亦適病中念宗一也久忽得此情惊何如也 負債負輾轉則雖宗一有未盡知者兹不欲多及也

E R. 17 1.21 1.11.1 王侯同腐草德好命不好顏淵任窮死非敢以德自居 也清亦當有自解之法即今卧處自題云命好德不好 也今雖窮不猶愈於遂死乎自愛自愛清不能為子力 者見於史傳多矣吾宗一何緣有斯疾也何緣有斯疾 瘡多是內有憤欝不堪火氣橫出內理所致昔人因此 待吾一身亦非止今日吾一家所取賴而已也大凡背 號從吾居士者素貧也賢者自結自解自愛其身以有 也用以自弱以見貧之外又有在所當念者耳衷情縷 虚解集 十五

之久後自有一段分外精神令人多不晚也李白王勃 又養生通法也清每年夏來一日之內常两餐用粥得 樓臨便增切貴慈後氣色果何如注想如在目前 |多定匹庫全書 素嗜酒未必能助其與然其本原正大聰明為此汨沒 餐用之酒最能敗腎且昏神宗一戒之氣體學者能戒 免焦渴只此一節亦不知是省了多少藥物耶冬亦一 氣體肥厚之人飲食常要甘平味多病後瘦減亦然此

及亂矣 多矣陷元亮亦每自謂嗜酒然料其人决不肯飲至昏 未盡其道只是任他自貧自富自有自無惟知有田則 三代以降井牧之制不復又别是一乾坤矣天下之生 為酒困何有於我哉此當知聖人之不得已處然自不 醉故能全其真而見之文章者若是其沉欝而光潤不 紛紛董董上之人大縣都不甚照管他號照管者恐亦

欠足可巨 在島

虚齋集

家數口計長遠而徒坐守窮餓朝不謀夕哉許魯齋先 由他也則夫今之士者上既未得有官者之禄下又不 生固害有言以教學者矣足下且有二弟可令事此但 得為農工等事老者欲安少者欲懷如何得全不為一 亦頗為此費心非是圖貨財滋植但得免債負能自給 要戒令勤格不華如清則孑然隻身却有難者耳近日 有租有身則有庸而已田連阡陌由他無卓錐之地亦 斯過望矣借人錢本令的當兄弟或義男營運生理比

金少四月月二十

决不害義但營運要取利少而平穩者是長策耳亦恐 夫二者之間而不雜者格物致知也一則守其本心之 道心之正也氣質之禀不齊所以人心惟危也精則察 之道也所謂允執其中者亦止至善也仁義禮智之性 亦見得與大學相表裏乎盖所謂道統之傳者即大學 進孫至承來翰及住恵近所得如何聞看中庸序己果 欲速不達也因便寄去云云 與黄徳馨石仲殷書

|次足四重在時 |

虚齊集

ナン

於俗心緒董董雖曰看書得處無幾大抵惟三十年前 乳子乳子以是傅曾子而及子思元無二物也區區近 盖昔者伏義神農黄帝堯舜禹湯文武周公以是傳之 之大事不過如此是乃所以齊家治國而平天下者也 正而不離者誠意正心修身也以天下之大聖行天下 金八人口匠人二十 用工也二友勉旃 來賤體如舊偶閱孟子盡心下一篇總畢自別後多牽 復李宗一書

林先生手教及味來翰意知執事方擊楫河洛間隱然 **豈在所掃者離乎此又不足以言真矣盖其最緊屢全** 有收功一原之想壮哉行矣百年易暮若眼前一切亦 之意今則愧悔滿胸懷矣此其故何也念之可哀領吾 往者年頗少志頗銳覽古對聖之時容有分毫不自換 清泉南一俗士耳凡百不如人執事不知清敢不自知 人所知而執事以施之清拜賜厚矣然惜執事之誤也 自古凡未及一面而賴以襟期相付與者其氣味類非

|決定四車全書 |

虚齋集

之一字更須於動中驗之動而不失其静乃為得力反 自愛不盡所懷一見何日附奉筆四枝墨一板表意耳 吾雖未能盡行之然不敢忘也淡世甚難蓄德宜豫静 界承來書知所以愛助我意甚厚益友之言豈可多得 在不言中言及此清慙負天地君親慙負師友矣執事 於掃去煩囂之意唯念箇虚字則自覺安便目前縱有 覆體驗又止是虚而已盖居常一念及静字猶覺有待 與黃德馨書

次足四車在馬 **妄意虚之一字就是聖賢成始成終之道今且與足下** 意之來應之若頗閒暇至寤寐之際亦覺有甜趣故吾 未能盡行之但彷彿似有一二時襲得此光景者或非 無障礙學問工夫大抵只是要去其障礙而已此言吾 驚於外或入於禪者何限人心本是萬理之府惟虛則 不至懈惰也且静亦須虚方是静本色不然形静而心 許多勞擾而裏面條路元自分明無用多費力而亦自 私講之試訂其是否人便可書復也此等言語足下 虚薪集 十九

天嗇其遇耶竊聞之有識者云仕宦當作提調學校 久不觀模範昌勝翹仰兹赴禮聞道三山謂得領片時 知足下與仲段得了此否 時發則此等言語紙為人作口實笑謔耳今歲科舉不 只自知之盖吾平生行不掩其言甚多工力未到故能 春風之賜用壮萬里之行至前乃聞旌旆自漳南返豈 則以其得專為斯文出氣力為國家生長人才又非其 與周提學書 何

金ガル屋台門

清辱知愛最深感荷何可总自甲子歲奉書山東後枯 言獻而在率之嫌不敢避也途次不及我詳幸察 守家林莫能嗣音愧負愧負近至江西得邸報知權惠 他官比也尤在持重為之耳生既不獲一面即以是 與陸憲長書

というらしたり

虚新集

主

清到任已數月私是紛紛度日曽未有綠毫之力於學

人至今飽公向日德政於今繼之信乎事半而功倍也

吾閩海道一帶千餘里自此當波恬浪静矣且八郡之

多定四库全書 中意附奉小書數册手帕二方殊不能盡下情 材相遠何如也願益為國家為蒼生自保重便中特此 校間視公向者一日了數十大公案猶綽乎有餘裕人 平復與未後得張元罷先生及饒侍御言貴悉久已平 自執事以疾乞歸生思仰不能已苦無人便莫知貴悉 復但意堅不欲起盖先生自有見也生非先生認薦不 得供事江西學校愧劣才不勝重任日夕凛凛如蹈春 寓九江寄宗侍御書

輔之拜想在旦夕正人得路國家之慶生民之福也何 向者自浙江來知已擢湖廣右方伯繼又聞已轉左公 區區惟順時加重將來當有大為國家宣力之日耳 志同先生數時不惜教戒受其恩知同此感佩也適會 水恐有狐朝廷任使及吾先生所以論薦之威意失心 辰州太守陳行且諸生試卷未定造次僅具大畧不盡 於天不欲於紙上縷縷惟先生便間有以教戒之又幸 與畏養朱先生書

久已可再在上前

虚齋集

主

我今則是永感之人矣又何所不可哉且進既不能有 之猶當得十年團圖之樂不意處有今日之事復何言 及此甚自愧屈也向自南京歸自以家父素康強少計 子之門他日難欲自新其路無由且大期已迫耳與言 而又力未能自拔而遂去私懷凛凛恐終有殞於大君 俗冗相還往且持不願之心以酬酢乎其間得一失百 銘心刻骨自不能忘素庸下之資只今居間猶不免與 庸喋喋清幸不為君子所棄外辱妆而置之教導之列

|金次四月分書

卷二

部 伏在喪次諠寂殊路使節行留傅聞不一 當知其縣 私瑣之直如在父兄前語實恃恩鑑不罪餘情陳通判 此自知不敢復有厚望於當世而僕僕為行計也聞吏 圖自逸於勢似便且易者而亦未能鄙拙之甚可知 分寸裨益於當世退又全無以自異於流俗况且閒居 近日方嚴起復達限之例清亦不顧矣便中徑述其 與曽侍御書 自該契會將

次已习巨白的

虚齊集

主

正月 蒙庸俗人耳岩曰頗知分不敢求稱所欲不敢虧負 羅乃出院牌見示讀未終竟鶴愧汗決不能已清一 院所遺者部未得詳即以初五日基事回家過府問故 母墳所承本府羅同知遣官至寒家送皂隸二名云察 先母墳成之日則整先母不意臨期即有拘礙今改卜 先祖母及先母之柩至二墳所本卜其日先整祖母供 復有日不欲瑣瑣於書問問塵瀆耳臘月廿一日已奉 初五日整祖母十一日乃建先母也初三日在先 顓

金にない

The Line

當官絕不聞分毫有所取受而為僕措置治墳之費及 待之故益加意相遇頗出衆人之上羅同知清慎自持 親慙愧賢士夫知已耳近者本府縣以執事及諸公俯 前儘為過分撫心惴惴惟自待之不稱而慙愧天地君 父母而下成獲霑被思餘衣食之類視前加厚矣近雖 門之子孱孱碌碌之人幸際明時得側士大夫末塵自 人則或無幾若曰學行云云則豈不自知况本達戶華 有疾幸賴樂力已就平復二喪且以次第舉整稍遣目

次已马车在馬 一

虚齊集

亖

者院牌又復云云獨自顧何人而敢當衆人之所不能 抵皆自覺其無於乃能自安如執事此舉誠非不肖者 後人以為鄭五才實無取惟自知一節稍可贖您僕竊 當受衆人之所不能受者哉昔鄭祭為相有自知之言 · 員執事多矣宣盡知僕之無所識知無足存録也哉今 隆意所向人情增光知感知自宣特儀物間哉噫僕之 是之抑思古人亦有直自擔當者亦有徑行不辭者大 分俸米見恵此禮羅歷任七年未曾一施之他人者也

僕雖不受不凡之厚意則固有出於物外者矣如或者 屡遣送終不敢受亦庶幾用此一節贖愆者也且來儀 骨然利而受之以重傷賢者之明實所不可故同知雖 斯文知己骨肉之情神天當明誅之或暗壞之為人間 尚懼不克況敢求異於人哉萬一中有矯意則為重負 所能安也僕又非能矯激立名者庸劣之資求同衆人 以為執事施禮於僕而僕却之則為全不知執事與僕 矯激者作戒奚所以不敢安受者特以自知不任而却

人已日日 在十一

虚齊集

千四

相與之際者矣此意非可言盡惟知已虚心鑒該當終 教之心雖在多故未能暫总也恭惟先生碩德宏望台 先生乞為申再三意 收之度内也使施北旅應在旬月內外續奉未由在途 階在即而乃以微意力求退休上為天子之所眷惜加 生數年除伏家林憂故孔多不敢陳瀆然區區懷德懷 在朝幸加自玉為國之光為民之庇過蘇即會貴僚王 與碧川剛先生書

多方四母白書

卷二

欠巴四氧合島 海之量必能俯照不肖清而未忍遽厭棄之也近者豊 驛舟中薰沭拜此惶愧惶愧伏惟老先生台斗之明淵 |覚愧心勃勃且丁寧遇便見報者屡矣而至今乃得於 此職且此職乃人之所易者生屈於才反以為難以此 自揣孱庸况病疾素多自分楊死林下矣今乃復叨竊 門下生實不勝慰願之至清去歲四月至江西供職向 恩下為中外士夫之所光榮嘆慕令始令終光前根後 久稽奉問而員愧益深中情益切每一見惟德年兄便 虚齋集 圭

表老先生猶倦惟無念但以清所疏事已失未及就請 城丁監生到亦蒙鼎言存問感激感激向生求高祖墓 金为口屋台重 數服企慕而未能及也然為賢者願望未涯更望少濟 以中和闊遠氣象如何大凡氣之所在理即随之而得 相别忽一載餘懷仰殊深執事學正而行介區區竊所 不日便當續録申請倘得賜責尤不世之光也 夫淺深也恃知愛軟質所見區區凡下之資過悸尤多 寄梅一之書

想時相見誠人間樂事也 精聖人於易言之矣執事今日豈厭聞乎文獻通考已 區此言淡鄙褻知為君子所不韙然天地網組男女構 志意且不相屬生理何從融結亦非造物者所授也區 陽和而後雨澤降夫婦和而後家道成或陽亢陰怯則 承寄到至荷宵永貞得相聞否董汝淳儲静夫王懋學 不為虚相遇者嗣續一事雖曰有命然固有大理存陰 所與便中痛指一二使得早救分毫如此往復吾人庶

とこのはという

虚齊集

展 员四月全書 寓九江上秦太军先生書

後遂不能嗣音罪負自知實賴台慈照有生建教後亦 始暫忘也何恩門內艱生僅得拜一慰帖及小奠儀泊 只如舊日碌碌耳况齒益長學益荒無才力素劣弱又 生自拜達来私門多故非所宜漬然拳拳聽徳之心未

以是永感之人自甘枯老林下與草木同腐矣乃辱老

任甚不輕而不肖生甚弗克負荷旦夕凛凍正自不知 先生平時越録當途綆汲使得供事江西學校間第此

将何以報塞朝廷任使之萬分以不負我老先生教愛 書而以文章取之者究竟其意之所歸宿果安在此則 不敢以文章為人才之實事而必使學者反復思惟古 役使耳所願務其實而不徇其名要其成而不刻近效 其心自平其氣凡於學校一切事務一聽於道理之所 十者雖曰不忘學然所進其能幾何惟旦夕勉強自清 造就之威德耳生今年五十有四而早衰有甚於六七 先聖賢所以著書垂世之意與我國家之所以教人讀

久已马巨丘的

虚齋集

得罪於老先生期不得罪於斯文者聚在此也生恃思 敗之乎抑能敗之乎清之所以期不得罪於朝廷期不 同父師故敢及之夫民至愚而神也况民間俊秀清敢 生今日之所以汲汲而未敢多語於人者也老先生思 生年尊任重當為國為蒼生倍加保愛至祝 厚偶爾及此不覺繁絮惶恐時序寒媛數易惟吾老先 生養歲因叔父唇 貢書後即奔母喪到家又遭祖母丧 與方石謝先生書

金河口屋石書

之為利也昔人所謂樂志云者疑亦文過之辭耳思意 心牽之也然雖牽於私而終不能安既而思之凡心之 此目前當由之路無容疑者顧發之運矣發之運者私 於形迹之外清今乞思終養者誠以父老身單而子知 雖執事之門亦久失於問候所恃大賢汪度有以亮之 兒尋改南京數年間憂患奔播少有寧日百事俱廢故 所不安便是天理之所不許不若聽命於理圖得心安

改定四車全書 图

虚齋集

雖非承重喪門未可即古故在家日久既復京又失長

親之養與其身之已老也適得孫志同書謂執事聞清 成紙益以負君親故此舉必求成而後已而亦不暇計 時私又背棄其親而圖計其外不計其內雖復生世百 或得循資少進尤患所以立也自以公既不能有益於 垂老不得實用故數年素餐一績不立使復運一二載 但自身處置得是即是為親也又清自知從學失其術 此舉始有惜清去之意既而亦以歸養為然盖執事之 所以然清者非人所能盡知矣此即所以厚清也志同

金グリトインマ

卷二

奉别益久仰德益深聞令罷從一已冠婚而志行不凡 時必不放過矣小子何知述至人之至於執事者如此 天下之事其屬之執事者計自有本未有輕重既到手 友之一節也因便軟吐其情用申謝意外此斯文之責 清也清今既出漢西門心始少安自謂亦求以不負師 素厚清所厚必以正此舉全賴其成就尤見其不肯俗 與九峯孫先生書

段定四車全書 <u></u>

虚齋集

茅边

旋 文愧罪何可當尚期汪度未即加禮也清又念自弘治 次附拜因及不肖情事如此所謂貽知已羞者也向者 嚴谷之間然困於無力至今未能超脱以去自愧自悼 乞勿外久賀字説之命以塵心俗筆至今惶恐不能成 克守先生家法益用慰喜清家城市而心久馳於溪山 可奈何哉人其亦奈之何哉適漳州進士石腆見過造 百事無成計大期不遠將懷羞入地終無以自白於世 一加冠清恨不得觀禮於時陷之下兹附小儀致賀

才氣志節之士安恬之久所不能持不能到者居常以 電樂雷轟驚羣蟄於九地根王靈於萬國甚威甚威快 告鄉父老及子姪學生軍使知有聖明之德覆情之思 野之事雖醇疵不可一緊而獨皇上聖德凝然不動環 改元得官在職者七年而以事故家居者十年所見朝 不自厭也比忍聞皇上為邊情累勘夫實事乾網獨運 海大綱萬靈妥帖實有草茅書生一旦得富貴及自負 而自慶其有生之幸盖諄諄縷縷言之至為或者所迁

次足口更上馬

虚齋集

圭

其可耳而格心對治脩廢保豐事業則自有當世諸賢 守之以求不甚愧於為人不甚負於君親師友亦無幾 下國祚之鄉長鄙人數年所得喜事無此比者而鄉人 哉快哉可以微聖德之涵負可以期生靈之永泰可以 哲在便筆及此為愛我者盡不自知其孟浪也静夫希 與村學生輩講說人倫物理相勉相勵相與服行而固 之甚不能為明時展效尺寸如得及早明白自退一意 得於傅聞亦以信清向者之言為有以也所恨清腐为

多人口屋有意

大進之尚質諸先生以造次俱未能致書然奉奉向仰 近因諸生之求忆迫稍為塗去其太無謂者而出之名 欠温故姑俟後圖鄭仲平先生李宗一先生各有子姪 先生同賜教示也大學亦已完語孟及易經俱有之以 看正望先生公暇賜一裁教示下乃幸仍乞轉致静夫 回蒙引初崇明其未為定說也且今以寄從一目下備 有書到随當偷報矣清您有讀中庸私記一部甚冗機 無時总之倘問及乞為道意否則不必也静夫先生近

次定四年在馬

虚齋集

金光四月白電 讀書倘來取幸次第與之并乞達求教意 與都憲吴先生書

敌無荆婦次兒繼亡家寒而事冗地僻而交頭以故老 先生之擢山西擢河南皆久後乃得報惟今都憲之擢 生自向者南都奉建不久即以侍養歸家尋遭先父大

方數千里生聚成所仰哺取給馬其任亦重矣哉况廟 四月即得之福州聖朝所倚以為西南一面長城而一

廊梁棟需材有日平生所學所 負將次第為斯世斯人

去冬博士張顒歸自河南又得尊賜書儀感荷稠疊殊 盡出之此其為慶豈敢止以為鄉邦之光姻戚之禁而 墳之左暇以訪之鄉老遂得其的即校與同按故迹令 委查訪全然無以復命令歲二月因附墾亡妻於家祖 都與寒家石壁山祖墳同鄉且相近二十年前便已承 已也哉更念威德不遺微末生家居當两辱江右手教 缺脩謝至負至負兹有專聞貴祖墳在晉江縣三十二 祖墳故址宛然盖有被理没者亦有掘宅未盡灰土尚 欠こりう へいう 虚成明集

中人似當移文托其用心勘處并立石標界以明大家 自有權度矣目今泉郡知府慈谿包民敬名溥亦南道 書至雲南不擬尚在南都謹特此報計老先生聞之當 問恐人事参差歲久益漫耳清懷此欲陳有日意欲脩 可認辨者其本都諸人能為證佐者尚多倘及今不追 試省下三學諸生試卷方閱未畢又值同僚新任及他 公文之末使得一一按實而處之侵者益無辭矣清近 水源木本所在如更得貴宅舊藏墓誌譜記之類録附

金方四庫全書

涵不宣 意 とこりえ 從容以請教而以疾見阻登途益用憮然便中敬此申 此快想也第愧不肖弗克負荷耳在京時屢欲假片時 做鄉陳先生至張家灣承賜陸宣公奏議二冊仰惟 期會旁午造次奉狀情不能盡言不中倫統祈台照海 代真佐其精神心術盡在此書微執事見愛清何從得 謝深叔厚編脩寄恵陸宣公奏議書 1.1.L 虚新集 三十三

節之傾門户之落疑亦墳宅氣數之衰使然有非區區 家百餘年來世東一世清雖乔士夫後然百病叢身百 籍氣以生亡者所歲亦在大氣之内故自墳而言則本 戴地官來承惠鄉録并手教諄諄所以為不肖計應者 舒贞四库全書 事不立子長成者連喪其二家計借助居半凛凛平名 骸得氣遺體受陰自宅而言則風氣虧疎斷無住産寒 至周且切矣敢不敬佩墳宅一事亦有大理盖人物皆 與柴墟儲静夫書 7

欠四月百 上十月 庫衛集 所恨只是文字上工夫耳今復何言哉草草申謝餘容 來諭受徒講業并可删改舊日書說或有小益於重蒙 財之縣不然所犯必多異議将滚滚而至矣明年將如 五七两之數尚且完固而已不肯同俗作好看事此又 自諱於吾兄然清即今自斷每成一墳除買地外僅費 泉人所共鄙笑者清獨不恤也執事於此亦可知清用 三重四

及妻子上望之未定而僕僕乎風水之求也此情豈容

人事杯水之力所能支持者故不得已因祖墳之水濕

續陳 金与口月白書

·承示所者夏姜二女墓誌 铭摹寫深至二公平生晦然

在目雖老朽猶覺有懦夫立志之意感佩感佩清於四

者盗抄并以付書肆刊行而差字部句多不可讀今欲 朴然尚未得删定餘則蕪穢尤甚未敢示人不意無識 書易經草說舊日只騰出大學中庸二部及易上經十

就林下温姆整理又以諸故墳皆失地存也两不安方

也但聞貴體尚薄弱後嗣至今未充此亦當內自謀之 清北歸他無所恨者平生負君親罪萬萬今謂之何哉 得或雖有地而不能成墳岌岌拾懷卒歸於任運而已 請廣信周姓者來為改張而貧窘獨甚或有地而不能 來與論甚服謂敬簡二字俱得之僕得此寤寐亦慰喜 病中遇故知某人考滿行謹此奉通信問吾兄過部以 因得所示二銘益自悼其枉生耳

欠已可臣在馬

虚斯集

三五

公私邪正遠則廢與存止只於此處看破便幹轉此是 秋戰國也此南容之不廢盆成括之見禍所以不謂之 謀人謀者亦孔子所謂務民之義也人謀盡而終或不 金月四月月 命也朱子曰漁溪極力說箇幾字儘有舊發人處近則 得乃歸諸天耳推而言之此犯孟所以欲回三代於春 扶護得到而使体咎吉凶各得其所也故人當自盡人 可回天命大抵天於天下善人君子决不能一一顧盼 要亦有大理也要皆當及時謀之先賢謂人謀犯滅亦

乃行耳 舉一事量不至一日廢也竊謂所以永終譽者實在此 約今冬行縁家父有祖母服未関関日将為小兒冠婚 美甚欲獻之吾君也因便瑣瑣及此宋孔時已到前僕 日用第一親切工夫精粗隱顯一時穿透又曰食片而 閣下一舉義聲在宇宙清無庸贊惟閣下益為國自愛 因張太常便率此奉瀆所恨相去不二百里而不得遂 欠己り見なら 寄林待用書 虚齋集 丟

不及别具希引賤名拜意閣下亦尚宜速行乎 事颇勞劇因而得疾自知庸才弱質難以應世成務七 今春曾具素書附饒侍御檐便至臨清王思德憲副處 月初已懇疏乞致仕今此待報矣生初未知老先生比 達然至今亦未得思德報也生自去夏至今秋為考試 託為申上老先生尊前計其時適有變故或不便於申 面引領壺公可勝懷仰之至令尊老先生暨賢昆仲 與畏養朱先生書

行變故所由近得一士夫過南昌略道王太監事當時 耶且他日或有完詰其事者守土之臣又將何辭耶竊 将何所不至謂有忠愛之心者能漠然不為國一計念 籍雖巡撫大臣亦不敢問誰何亦竟不敢以聞此其弊 耶刑人於市與衆棄之今也不然設或出於左右者所 疑也夫人主春秋鼎盛豈可今手清於罪狀不明之人 自巡按以下皆謂不必舉聞惟老先生必欲行之却自 欠已四戶已与 多此勞攘云諸公共談者亦多以為然生愚獨不能無 虚齊集 圭

冊備覽 先生所以辨者也此外又何足計即便中特此奉讀起 謂老先生此舉於理與法皆得之而閉羽杜漸忠愛惻 進士至亦能道尊意且感脚力之賜此清表妹夫也清 近者謝洞教諭至承教帖并日書墨刻感佩何量陳寧 居陳愚不識時忌惟老先生必能為慎之外附鄉録 但之意尤可念故雖卒以此費禍是亦理勢宜然而老

金河口屋人一

馬墳去城四十里恨太遠也但其地頗有生氣穴位八 てこうい ここう 目前之費但舍已田而芸人田其終两失之為愧耳杭 清今年亦不免教授生徒其富者束脩禮亦受之以助 乃過龍之地當亟徙墾而力未能及也姑俟年終為之 私心頗以為慰亡兒存畏亦別望矣惟先祖考她舊墊 尺之內通是五色及黄紫細土牙關小石亦有五色者 去歲十二月望先父於南安先母舊墳水濕今徒合整 州府學生員施恕者有士行其家甚貧能守分清十餘 虚解禁

外外之求也 又不逮人意其終窮矣便中特為好善君子及之渠固 制行嚴密清不如也與之處甚有益向遇杭時欲言之 年知己也其身家履歷與方寸事最與不肖清相類其 生自去成拜别來任以中途感疾就醫七月稍痊自入 而未敢今與之別又二年益思其人不能总便中因道 其姓名惜鄉舉里選之法不行於今而此子詞藻之學 與劉司空書

一 我定四库全書

武去取而已以少也學不得其術今則過時而杆格故 宜儘多生到此緊未能舉行只有應酬目前文具及考 之人心所祝願於老先生者寧有厭日乎此間學校事 則多一日之重在鄉那多一日則多一日之光由此言 道體近來萬福如何清謂如老先生者在朝廷多一日 三五日即復出以此職事之外百凡俱廢惟天下達尊 動定安否則未能暫釋於下懷所恨省迹不及耳未審 月以後一向奔走東西在本司率不過十一二日或僅

久己可臣 江南

虚齋集

芜

讀不敢於所尊所親而自諱其醜也惟矜其不能而無 此任雖衆之所易而清乃獨病其難也且病體益衰精 多员四周全書 逆深重天實禍之竟乖所願抵家僅六十日而家父妻 向者得告以歸自謂當得盡寸草之心於慈父不意罪 倦教尤荷 康齊先生文集一部備覽外批點程文及學政文移附 神管攝多不及計數月後當別有奉問兹附奉新刊吴 寄碧川阳先生書

之罪已萬不可追矣久不得奉狀思門為負該在情察前 勝慚感銘佩之至清今雖已釋服但先墳未成亡妻未整 賜家集一册綾帕二方禄筆題緘斗光下燭肅衣拜受宣 月生已釋服方圖奉狀未發昨鄉辦事官歸自南都送至尊 雨亦好用借力修治家寒身軍實為勞瘁北上之計尚未 及祖墳患水濕而未能遷兼居宅敞壞之甚至無以散風 世雖猶幸得親湯樂及殯發等事然不孝忘親圖歸不早 有期知必以此招罪然勢不得避也仰憑思照故敢及此

虚虧集

9 †

一段 定四库全書 清最知玩之使文皆如此何厭於文也又擬謁李旴江 之慶又無庸生喋喋也手帕二方香茶二帖奉表微忱 文也至於明德日章大拜在目此乃海內善類及蒼生 若不肯感德戀教之心久而滋切有不能自狀者非敢 髙祖墓表尚乞留尊念更容申謝 先生横渠理窟序無一字虚下者向見姚秀夫先生浙 西水利書引亦然天地間此等文字盖自有數也二篇 寄督學邵先生書

能以言貌動人今士之所喜者皆區區之所無倘有議 廿二日方到即今日也前此生屢拜書想多己達此書 先生三月十七日手書寄劉希範大人來者直至八月 類適有絆不能盡惟倍為吾道自愛便中更祈無情教 祠詩希古慕賢之念出於肺腑之真者亦自與時文不 又承教誨感刻豈能盡述中有自道為人養直老實不 PLANTING LILLS 與雲室廷玉先生書 盡衛果 型二

者欽服聽慕之不暇而上下之知先生者亦自不為少 言宜早寄達竊謂先生之德之學非惟生等親民日久 |動定四庫全書 之士燒燒繳飲作目前者所能動矣今又加之以勤克 正先生之所以為高於時人一等者也天下之理誠則 矣且今士之所喜者固先生之所無然先生之所無者 之以弘旦夕所到又宣生輩所能窺量雲南行事聲聞 形久則微先生胸中固自有定見有定守而不為一時 自好大抵是根本上發出英華有識者自能見得其用 卷二 宏才茂德定價在朝野清不敢喋喋近日王德華先生 皆不賛 至愛不同恒情鄙夷衰腐者曷由有此感認感認閣下 承華翰示及動履并新行榜例及臧先生節斾所向非 决不能此此節生甚為先生慰顧也凡前書已及者今 已之長者此正惟有大地歩者能之中才所得有限者 方林二君子尤見先生之高盖輸誠用人而不盡用 復王希文憲愈書

钦定四車全書

虚齊集

聖二

言他更無所為也清初九日至吉安城已考吉安府學 德華之薦公正所謂不求識面御史也此忘形率爾之 知公已深或者閣下未與相面恐知德華者猶未盡耳 然必從本原上做出更詳及其務本實而界華藻之意 渠或未之信清不自知欺也因謝東及此者正以德華 其右者渠復問其詳清又謂其氣度宏遠最銳志功業 别曾一問及清答云此公吾同榜中三百人似未有出 特有薦草如德華實造地位閣下或未盡知也粹夫臨 清前累拜書期至金華一會今則舉為虚詞矣知負知 筆弗端統恃情亮 苑諸公渠恐亦未多讓盖其正而簡一而詳未易當也 **德華宦業後進未見其比其學亦與時人不類雖在翰** 百藏公許吊考大約五月半間得回總司來人回促急 及廬陵安福吉水永新諸縣餘猶未及也南賴二府已 復林居魯書

改定四年全島

虛齋集

聖

|尊恵以復雅命偶閱及知學齋記則知此公非止為言 為吾人道者承恵王文忠公文集清奈未得詳覧以完 恐來日無多而乞歸之計亦徒然耳心事如此又何足 本心耳清以正月二十一日至家前三日過前得會令 能者不盡述也執事不該乃至以相外責之殆未得清 之麓紫帽之峯而力未能遽自拔以往又苦於多累正 負其時且欲進拜章先生亦竟不及此始行止非人所 兄及令婿多荷厚雅自至家塵冗紛紛每神馳於清源

語文字之學者視宋太史氣味為真矣此固非後學溪 生之所敢輕議然當觀宋太史文則覺其枝葉太威面 事了嗚呼豈知天也間事尚有大於區區文詞博洽者 其骨氣及埃縣終似未脱文人之習者况其學亦雜遇 勢太張波流太靡雖屢屢自辨其非文人静而味之則 夫學不博不能約言不文不能遠固也但其中自有真 老談老遇佛談佛胸中本無主張成把文詞及博洽當 偽之辨耳真者根於性率於道而符於教其偽者性道 虚齊集 四十四

教外物也宇宙之所以立人物之所以生生不絕者以 益而有損盡可一掃除之或摘其近正而實者站存之 亦自不能無者岩出於外類皆人之私智所為於世無 比性道教三者在耳凡在此三者之中則世所不可無 手り里 而己管見如斯因得高明者一質馬而亦未能盡其說 戴地官來承華翰及厚惠恭審太夫人萬福令嗣亦 挺 也 J. K. 與梅一之書 3 卷二

時假貸於人三子力教以處約之道明年將受徒自給 挺有立甚慰甚慰清永感之人矣故今日進退無甚係 次定四華全島 益東病恐力不能終此願耳所言大可笑惟知已者不 只是養與教两事然綱紀之立為最先家國一也清全 紀女債今猶未了也清當謂士夫當自辨材料在國為 相責空雅意今日悉為終身之愧矣復何言哉家貧時 戀者所恨尸素十年無毫髮之效於公家而平日師友 國在家為家雖在天者不可必在我者固當自立大要 虚齊集 五

金万円屋石雪 膚沒多果既無以補吾子之萬一而顧辱厚係馬投之 聞之古人非其義也非其道也一介不以取諸人清以 舒達便希不各教幸甚 無複受之理也吾子幸予該馬 道義實所未安故敢解且既以為不可受而辭之則決 昨承來意動甚足見吾子慶心之厚處雖然亦不可使 與林允牌東

惟者而難易亦非所論也惟其當而已抑令人之所目 深奇惟之與平實也或者平實之難轉有甚於高深奇 平實人固多以易視之然語其理之至當則又不論高 子如水之交初不繫於是也 量異日斷當為斯文增一光酸矣清當霧謂學而主於 去秋采教益最多敬仰敬仰别來所進取當益不可涯 清震其簿也子如子諒則其所以見受者尤深矣况君 與楊君謙書

承之祠祭司司事頗簡念欲及公服退修一二以豫當 |飲定四庫全書 | 及時無程矣 世末用者然氣質老矣強力不前奈何奈何吾君無可 下意當及之而愚於今得因便風釋之以相證耳清今 誠學者一事至理所在又非止可以才力就此意惟閣 前人之高深奇惟者自理視之似亦一等平實也文章 别來又添許多過惡矣自念大馬齒三十有二去四十! 與喬希大書

既是祈 **蜀阜存綦一書當時所存為數似太多而寫刻亦多訛 散羡而已偶得卿人一便舟次不得盡其所欲言惟清** 明字内之一棄物無復報恩宣力之日耳如吾希大天 養於天地間哉加之百病交攻氣體萎弱正恐終為大 五十而無聞者幾何而一善不進一識不長尚何以自 分高與而信厚加以年富力強甚好學做人也清徒為 復楊方正書 聖太田 12

|飲定四庫全書 以岸上注目當是時吾以吾之情知諸君之情矣云云 惟乞覽閱之際随筆去留更批示大意以扶不肖之不 字近方欲請諸徐公求删去其不甚切要者并 正其 訛 雖然離合亦常事耳吾自有欲言者大抵天下事無甚 自十一日與諸君江頭一别吾從舟中望諸君諸君亦 逮則豈惟不肯之幸哉至懇至懇 字而重刻之故多用朱筆點記尚未就緒今如命奉去 與嚴州諸友書

讀易者矣如表先生甚少繁辭傅所論教我多矣 易亦無甚難凡聖賢所責人為者皆人之所當為亦人之 飲定四庫全書 之則區區之言又陋矣江右表先生倘會希為拜意天下 所能為也况舉業一事宣有專心致志於是而不得者益 君道之惟諸君力行更以性理大全中論學論科學篇觀 非人下者顧用工何如耳而用力節度則區區已常為諸 有之矣是必其資質之甚下也以吾觀諸君則資質又皆 復儲静夫書 虚齊集 咒

薦書恨不肖何以克當今此供職日夕凛凛惟恐有負 清至今猶未得覿執事一面而執事過聽兩以賤名順 清是月初四日已徙張吉士所居賴叔鳴悉力其間事 果能不負公否耳 貌據豐碩者有其故矣非偶然也覽書感泣此生不知 乃得諧連日修補掃除之役尚未畢承諭在途兩夢僕 **君親有員知已為罪不容誅耳陳進士大人至清適有** 與饒侍御書

仰 仕人或以高目之可謂不知已者矣清此生 永負君親 甚愧甚愧清向至江西未能有一毫樹立報稱而遽致 鄭典史來送到手書併細囊之恵祗受之後頻然若忘 心甚為老先生喜慰欲印一書寄送尚未能及懷仰懷 令嗣大人他日必能大為國家宣力以踐顯楊之孝私 行役造次附謝莫盡下情是亦一負惟俯照不訝是禱 與李宗一書

|改定四車全

_

虚崩集

乳

亦足以怡晚景耳鄭復行冗中援筆百不能一吾人此 想已近除官次者可繼志中間或質不速便可使力家 遠到末乃亦有休別之想豈年來稍向東邪令器未第 且皆只是空言浮說何足道哉每見來風韻不凡意當 與馬舊有書說數冊意欲温故而删之亦以力貧未暇 期可量邵子所謂生於太平年死於太平日清亦幸 自勞風俗益偷清宗族中表殊少可托者老色日深大 師友無可言者自到家三子令各讀書認字家事不免

向有兒粮典史回自南都道執事拳拳無問意不數日 也惟各與諸子道母总世好各圖遠業 日通書於千萬里之外復能幾度邪况清無力尤可念

了三千三百人連日夜看卷頗疲勞舊疾復作况平時

虚齋集

至

與者數千人來鎮巡各衙門求勘續考七月間復多考

當自來取故運之清六月間十三府小試己畢以不得

費書恵者亦到感喜無量清比欲奉書因典史言不久

飲定四車全書

瑞周繡衣在此極蒙其相愛信今襲公亦然知皆執事 迷再一二年龍鍾甚然後歸所失多矣今在此亦頗為 必能行也故於七月初九日發一懇疏乞致仕以遠隔 王府所怕怒然官可舍不可輕屈於人也俟後續具戚 有考較文字一節得行餘根幹上俱未能及而計亦未 起朝經暮史朋聚友集為自在脱灑也且及物之功惟 不得請裁姑據管見行耳期必得之乃穩若復為官所 在此世事亦甚多端却不如在家林競食菜羹早眠晏 未有若此者正氣之英華自是與尋常藻繪者不同新 清亦以為一幸云 舉人清所取優等及案首者凡四十八名衆頗以為難 然浮言不久亦當自定果承指教知感知感今科所中 所吹噓也然清不敢不謹江西人最易起語今始知之 夕已於燈下各録出一通盖清自南來所得今世文字 所借來陳石齋先生乞終養既及彭方伯所寄來東昨 淮上與周公載員外書

改定四華全書

虚齊集

五

之通箴也至謂識得破時三公九卿山夫野老一也噫 當無負國家此真知念國家者之言抑可為凡百有位 學小生偶從執事得此知賜矣疏中有云內無及心之 多りにんとって 公惟有此挾負此其所以處進退利害思怨之間脫灑 特以此耶然即此隻語爣留聖心則其所關繁補益 似亦未可以計量也彭公之書謂國家無負臣下臣下 身之事發也意此老年來所以運回顧惜此一進者其 疾則外無從事之難清愚竊以為此語當不止為其一

一質於高明惟裁教乃幸唐李文公謂驚鳳之音自不得 重於天下者元不以文也李公之言於是益信客舟燈 汝淳至備審近来起居休裕無復違和極慰遠想南都 可近也恃知及此不覺狂率 下抄讀之餘揭蓬一視惟北有手其光爛然可仰而不 不輕於熊雀今觀二公之文若此然本二公之素所取 自在凡百任之傍人窥視未見其隙也清因便聊一奉 寄王懋學書

欠巴马尾公司

虚齊集

季

一時為此布置宜真有意哉一時天地秀氣界之士類為 第分四月至書 浮華瑣碎所耗散者大半矣令得諸君子意見如此他 之資濟之以三五同志相與金蘭麗澤馬造物者當此 而遺千百年之休償非收拾得早樹立得早則何以克 那聞之善自愛者能以數年而植千百年之業或一日 百務清簡得以尚友古人之時多矧執事負出羣技俗 日擔當應有在也心非木石寧不為宇宙元氣一助喜 致此惟愛日自強無若不肯清之蹈後時之悔哉因汝

三扇謹寶藏之而各録出三四通置之凡所坐卧之康 所樂無不切中病原而養德之理亦自備於其中美今 不能自状生不肖之病惟老先生察之悉而憂之深故 南向再拜又再拜卓然光霽之在目至感至愧之情宴 生近得田尚主事轉達所賜尊翰於帕并題二扇格言 淳回便申此區區 與司馬張先生書

とこうえいこう

庶幾三年之艾猶得及於七年之後也若賓客足跡所

虛騎集

銀定四庫全書 共努力耳云云 長兒存畏幸恭鄉舉将来會武又將各分一通與之期 恵誠懼懲义不力抵為文具則益重吾老先生之愧也 及之地則不敢以張之而所録者亦不題為某先生之 慰令尊甫此時猶在廣否義命之際量已洞然盖但願 **混叔厚先生來知廣中相知有劉時雅李若虚二公為** 其子得做好人便不得無願富貴矣近時吾軍中如懋 寄鄒汝思書 巻二月

學者僕竊心慕之其學識志量果不凡也天瑞在貴州 清閏正月十九日自建昌歸南昌又明日晡乃得德緒 知其所未至者也償書問中亦可自以意及之陳憲食 少减以其與執事風相好也故及之執事盖亦好之而 惜其以如此之才識如此之氣力而獨於助長一病不能 至今聞問間猶未見其多進益處僕非喋喋方人者盖 便奉此草草不盡所欲言 與雲室德緒賢弟書 虚齊集 季空

生乃僅止於去歲之一見而已憶昔先生别不肯於学 賢弟計告吾先生謝世痛楚奈何慟哭奈何清於吾先 貴溪教諭事方圖為解釋似未足深憂也老先生向亦 前日在南昌匆級無奈姑附祭文紫見意耳再告德緒 亦不得盡所言今日追至弋陽僅得草此與列位相問 供職於此日不暇給小兒此回出於不期雖父子之別 可必復相見邪於今思之五內如割復可奈何哉清自 原登轎之時泫然涕下豈吾先生於時殆亦自疑其不

|動定四庫全書

稽熟孫志同文選黃汝脩及太常王廷輔少都亦舊考 亦頗悔悟也 垂教及此前書道粹夫事姑只自知勿泄於他渠後來 與董遵道書

火色 日奉 在

諸耳矣非但先生自有牢關意其弟子之畧知其心者

亦力謂當路者不必以此厚先生矣殆必有其說也又

虛齋集

至

决無意出矣其聞起取其言非但不入其心亦不欲納

功也聞章先生動息皆以奏聞起取為意清謂先生今

夫亦力為之辭皆先生所厚者諒非有他也諸公曰章 墨事取用誠亦不必竟其事矣清又謂七八年前姜仁 上者也况今既未能以不次柄用先生只将以暴偷文 先生一人堅卧林下保全令德斯亦足壮士風淑士東 其向日同志一二比來復出者俱不得完璧而歸今聽 先生之見信於人如是哉數息不已祭清寓北京崇文 而為國家添一人物矣易所謂不變其所守乃所以益 門外奉寄董遵道賢契知之計諸君若到堂上地位當

金月日月八十日

心百事俱置念外矣高第尚未及賀亦得一慰親心為 自南京一别抵家僅六十日而家父棄世自此百願違 欽定四車全書 辨而力亦未能辨也近以目病不出戶已半年閱古人 官之外者清懷賢之心自不敢過但北上之計全未及 喜也繼聞以養病回家固知賢者所志有在於一第一 書頗覺有味而終得為家事世事所奪駸駸衰暮目前 别有施行今則未敢望也 與楊實夫書 虚齋集 季六

易解節要者生友舉人新淦周同所述序之者曰劉曦 焦枯為此生之快也貴鄉楊判簿自南安來過翌早當 賢者歸已再年静中所得必多何日獲聆至論以沃我 遠別燈下連寫數書不能伸意心照是頼 事既可自考後來事又未可自保故未敢果於復進也 之序鑑評似乎端的詞氣似乎簡雅意皆有沿流遊源 永豐學生員也節要主於發明理數無意文藻而劉生 與江西黄提學書 卷二

之工夫者生竊慕之不知執事曾深知其人否因便録 此一序申達盖其當用心於科舉外亦今學者所難量 素受恩知痛悼可奈何哉以江山阻遠不得躬至柩前 必執事之所樂聞也 次定四軍全馬 不意吾青谿老先生遽謝人世朝野袁悼况門下小子 通帛一疋托為奉致于老先生尊靈前表此情深愧 哭吊其負愧又如何兹特脩香一辦性體二項祭文 與倪上含書 虚齊集 至之!

年大日屋人二十日 身其所當保重者亦非一言可盡惟賢明之資素出等 不能盡也又切以老先生之遺熟遺德今皆在足下一 法者不以文為事也韓柳之徒天才本自提出可以大 文章在宇宙間支流日益行矣三代無丈士六經無丈 夷更望千萬念之勿替 事章句當出師性您之際援筆上言乃得與伊訓說命 有所立終不免於以文立家者枝樂勝也諸葛公學不 與徐方伯書 卷二

拘行一字一句之工而其道理所在神志所適亦自天 相表裏而其梁甫一吟亦春秋筆也此其根本所在為 大根中流出而可以喚醒學者崇本之念矣此其所關 然成趣力量百倍非專事文家者可望信乎其自大本 其著述乃皆主於發其胸中之所自得者而止初不拘 融堂先生生于蘇黄秦晁文事威行百巧競出之後而! 何如哉嗟夫大易之序賁極而剥來中庸之至德則尚 絅為之陷吾夫子是以乗除世道而有從先進之思也

症 新美

末段所諭自當體悉來指昨以紙筆不便故稽緩計在 教條一編敬已披閱終卷清之思於是開益多美翰中 繁豈細故也我所謂可與知者道也云云 舒定四庫全書 情照不備 界承顧恵感荷殊深昨行又辱華翰并厚儀益增感尚 生清又言清近見士大夫在來書翰有以有道二字相 復鄭廷綱提學書 207 h 211 出此二字回奉非敢畧也固知老先生意在誘進後生 **儉於名者非但自待之法亦推心以厚知已之道也况** 願士大夫有此名節不願士大夫立此門户今或褒名 清者雖其人甚的清謝書亦不敢以此復之先正當謂 褒稱者清愚未當不心為之駭懼或有誤以此二字加 逐借之以美字 語云将如後患何故今謝東亦自不欲 飾字以相為重便是互相標門別户矣夫君子豐於實 如清者愚下最甚百短之中或得一二僅可處誤愛者 在新生

輩然此意亦非所以為尊者復也惟希俯該 志經世之士所當預置一本者此其為賜又加厚矣夫 儒者之效久不白於世公獨汲汲為斯文猛著氣力如 也而諭民善俗榜文两集皆鑿鑿乎儒者之實用凡有 置之度內蕭通守公至承賜源流至論盖所以梯其進 姓名通起居之敬於執事執事何從過聽乃先辱引而 清不佞知隣國有韓荆州舊矣塵泥心迹未敢報以賤 謝姜太守書

意斯文當不令公之功用止顯設於一方而已也清泉 力行之不令少雜以他術以終其效於此一方天果有 此公固自以為分内也公此心何心哉惟堅守此心而 一致定四車全書 一 繫於瑣瑣者乍雅乍俗如狂如癡曩時一點北念幾就 正路若彷若佛自謂稍知趨向者夫何年來碌碌進則 南一俗士少蒙父師訓誨偶於時文常習中窺見一條 無以籍手固未甘於脱落風心以茍且目前而退則尚 消磨矣適閱來賜復覺妹然乃知世固自有典刑在也 虚齊集

以往否然長者之賜意宣泛泛者感佩殊深以賤疾去 一惟是鄙愚自治不勇他日或叨一命不自知果能執此 留稽於布謝負罪未涯瞻拜伏真為斯文加愛不具 生重質極愚俗學俗心纏繞深矣向因宵永貞先生得 侍然辱所以警發而指摘之者甚厚乃知大人君子愛 猶依然故物近復得拜見於長安即舍雖未得朝夕樞 **想顏範及聞威德之詳私以為知所嚮往矣歲月蹉跎** 與侍御朱茂恭先生書

人之心無量也生無似竊以為今日誦孔孟程朱之書 尚未即楊木孰能無所感動誠非以道盛德於尊前也 者淌天下求如吾先生之宅心制行所以處家處鄉立 徘徊歲将暮者自顧凛凛實恐終有負於賢者之門也 也生所愧正所謂徒美人而甘自棄又曰二者無奈何 負其為後人開創之力者一世實未能有幾人生輩心 朝處官處上下真能發越犯孟程朱之言於一身而不 一念仰止因事賴發而不及計其非威德者之所欲聞

|沙定四車全島 |

虚蘅集

愛斯人将大有賴耳宵先生已蒞鳳陽任必自有書達 志同亦同此渴仰之情數日以小疾在告故未遑脩書 者嚴辦事送到道學傳志同與生已同拜領增感增感 惟願先生尚留之度内他日容更有請益而起廢之日 矣兹不及柳文肅公文集一部附奉備覽 生因廖外即便附此致忱特乞節哀加飯重為吾道保 耳向承途中寄賜李忠定公行状及手教輿地圖及昨 寄周汝厚書

ここうし 時而當我耳衷臆之私當為吾兄一布也科期迫矣京 外鶩之心而或漸于干止于棘者力有時而不足翅有 非能輕功名富貴也鴻鵠之微豈能一日而忘其翹然 親心豈宜切切於功名富貴恨向日提於親朋之議不 春聞者况孱弱之驅顧影隻然子嗣一節猶未能上慰 數日欲作書而牽於人事及今已迫南歸又忽忽說不 能堅持风心而虚此數百里之跋涉耳故今斷然而歸 盡矣清此行本為應春闌行然静中自顧殊無可以應 虚癖某 至

欽定四庫 全書 生以十三日發洪塘今日抵滄峽臨行間極辱教愛感 **慶達馬則所以慰鄙懷者言弗能喻矣** 授之儻便仍以屬之廬陵周伯承兄轉至吾提學先生 師之會始且未及如有教恵可訪吾泉人士之遊於京者 爾雖然敢不勉諸承教來途中稍把鄙懷放寬著亦覺 佩何量所緻者克治不勇恐他日見公猶復是故時人 有一二意會處大抵心固主思然思之太迫促亦反為 與徐大來書 赴]

とこりる 逆其心天之本然而不免迷隆瞀於眼前矣鄭仲平為 大畧天地間善類亦不可多得清故私拳拳云 先者清猶只見其文耳然因其文亦可以占其人品之 老先生振作之將來必大段有成就矣又如汀州賴友 人果士類中之難得者其志操剛剛故能有立而又安 不汲汲於名者以生所見或未有過之者也此後又得 詳不暴清不能及也今之科舉之士志不在溫飽而又 托焦侍講書 虚确集 奎

彩完四库全書 生安用此等臭腐哉豈將有意教之耶但知蒙已多散 勢轉劇故萬不得已為此决非敢有所矯亦决非能輕 節盖生父母年皆六十僅有不肖一身而不肯近來病 極 亡此出他人所録字多訛繆欲俟録正則病冗未暇 有瘳不出三二年當復奉顏範矣承命取鄙作不知先 外物者伏望憐察此情爣荷仁人一言之利還家調治 生向進謁不獲遇自後阻病速令且三月徒抱炯炯 知長者厚德故敢忘疎賤徑托林廷玉代訴養病 卷二 耳

耀第後出字輝縣敬惟執事家學源遠壮行自今萬里 不忘清心治身為本是期清今年四十八矣碌碌悠悠 壯圖皎然在目所謂象賢濟美之熟自可計日而待唯 南奔两情推沮两地联隔於今八年偶會節判令兄知 自甲寅别後尊府先生竟不及大用而謝世清亦失母 借此復命惟卒有以教之乃如所願 ここうこ 事無幾可慰意者各不在今而在北年兹舉似故 與劉成栗書 Ų 拉斯果 134

心酷皆書史而氣質已老精神積久病憊於實事並無 人冀用清為戒耳官次擾擾不能盡所言情照是賴 因年友盧君便奉此并香帕表意而已不具 止事界具美十月二十八日承乏禮部祠祭司主事百 所得至於吏事又尚情然方以迁腐不堪為愧為恐兹 **仭之墨得淡其一級馬君親師友之賜皆不能总也但** 生舊歲九月至京曽附書或郡錢通守處轉送生之行 奉新淦周先生書

銀定四库全書

里而未能即時遣詣門下以供灑掃途中徒為念之耳 雖未為時用然其弗損所守如此則所以益於上者亦 冗枝葉愚意今日大勢如此匡治之計須是先生輩 出 紀存畏今年九歲矣家父母留在膝下去先生總百餘 既多矣而况又有所謂子弟從之則孝弟忠信者乎小 身也然雖未即出易之益九二曰利貞弗損益之盖言 觀先生所自待斷斷然實地根本工夫一掃却許多煩 寄莆田劉子賢書 聖教司 7.1

銀定四庫全書 前在清湖遇海鹽陸陳二友來莆欲附拜一書而目疾 貴縣典史遣縣吏送到貴瀚及厚恵賢友初履任四聲 尚未完而遽及此區區受之殊覺愧悚天下惟縣官最 有瀆賢者然此在古之人皆用之幸勿外 難做大抵一則欲仁以及物二則欲智以衛身惟仁 方重至今僅少愈得林待用便謹此屬為轉奉外小意 分數多則知上亦省力矣因來瀚云云故及適在家得 與周時霖大尹書

東耳向得家書知往揭陽辱過寒舍存問老親及召品 親見來吏後此恐難遇立報書不詳 别再更寒暑凡百無進獨有懷慕仁賢一念自覺未 寄鄭仲平書

ここうし

徳馨曾到揭陽否此友志行近來當益有進仁兄幸更

並新其

アナド

風土相類貴眷從宦當亦無不服習之患庶幾心力清

随成士類為國儲材矣然久不接一書殊用懸懸黃

小兒輩感感揭陽與吾閩接壤尊府書問計常不絕又

銀定四庫全書 希留意天順年間紹與府山陰縣或會稽縣有鄭姓者 任泉州府晉安驛驛丞無子攘得泉州民王姓者勿子 既到日給之類得不全令費心又善也 吾輩風心也第其家素貧正恐心欲來而力未能果儻 引而上之為斯文成就一箇好人在世間大是好事亦 上以疾留此有一切已事特托居魯大人轉連以瀆切 别四年恒切懷想病懶相仍早不及書為負近因北 托周紹立推官書

肉見念為清悉心詢訪期於得之乃荷初間且宜設他 兹幸年兄大人當道誠奇便也特此奉怨乞以斯文骨 氏未得其的只在紹與城居乃清母舅之子於清為兄 詞以來之未可變露此指恐其見處不同有引而遠之 此書果達否甲辰年又屬鍾繡衣為訪之終亦未見報 不幸至此今清舅家人與業落盡矣清久欲物色表兄 而以力狐未得两申年曾寄一書去而不見答亦不知 為子本名翰今傅者云名為鄭麟或又傳鄭氏復姓蕭 並納其

新定四庫全書 兄之德在清與王氏者宣言語所能叙哉且舅家元非 [7] 處之苟吾王氏一爐香火籍此有奉而不遂絕則年 詞而無負者也書言有涯此懇實大清留此懸懸渴得 軍匠等籍又聞鄭氏亦自有子此於去就之間两為有 但鉤得其生甲符合則的然矣便乞急字下報清當有 意則後難於踪跡耳其生以與午年二月十一日申時 報 卷了

以恒情論哉謹遣家僮從隸人上報清表兄即同來謁 之於數千里之外微執事之力不至此此其為厚詎容 悲遂使吾表兄無祖而有祖清也無表兄而一旦復得 邑里居之彷彿握手相慰恍若夢中一則以喜一則以 與所聞無一不相符右手末二指傷痕宛然亦能道城 在蕭山縣不在會稽山陰故前二姓皆不的一見細認 清之表兄今名為鄭倫向所傳麟字盖音相近而誤也 謝昨家僮來多擾仍承恵方正學先生文集及佳紙重 **I** 虚商具

欠已可臣在馬

交

感重感表兄清終欲得其歸故鄉何者鄭氏後來已有一 金与四周白書 深感尚紹與東南大郡也以執事之威德而君長之清 清叨從鄉國後塵耳熟執事威德有日矣以陳賤晚末 其終身哉俟清至京後别具書奉今未能盡 無迹寓彼此不相值末由一挹顔範為歉近敝縣吴大 子而故宗廷嗣何乃浮寄他卿作箇無根之人以自没 使自紹與來承執事遠垂聲問兼恵良茶祇領此意良 與游太守書

一文官写真 白馬 於今皆已喪謝有二表弟亦相次妖亡又無親伯叔王 籍然鄭既歸後亦自生有子其承家已有人而清之舅 倫而子之時盖三歲矣無何鄭即携去蕭山而以入其 一 或他有一事 禀濟今蕭山縣民鄭倫者原泉州晉江人 疾落魄失心鄭之父時為弊府晉安驛丞無子因誘得 以陷遠到為鄉邦士類之光實所注望清報憑鄉愛及 王姓清母男子也於清為兄外家不幸母舅中年得風 竊為紹與之民喜得所怙恃矣會晤未期惟萬加保重 Ų 虚癖集

此只泛然求之紹興諸縣之鄭氏是以久未能得最後 既潤至名字面貌之類在內外親知亦皆茫然以是前 嗣其宗不容少緩矣但以目前之勢慶之外家今消落 恒情論哉在清既得表兄以情以義便當挽歸故鄉以 得之於蕭山吾年兄此思此力在王氏與清者豈可以 氏之思至今棲托傍支馬可念也清知有表兄在紹與 而托人詢求者有年矣奈距其去時已将四十年聲跡 弘治戊申乃尚吾年兄貴寅周大人為多方物色竟

金分四月白書

許而以書達清今以時決之以此言之則其歸計似又 有求者表兄以清向日有言期必歸配泉人以是莫之 甚不得已者今者表兄有女年已可議婚而被問親指 敢遂強之挈家以回竊亦以為且得此一條血脉明白 不容久緩顧清今日力微且相去遼遠實未知所以為 在清尚未先朝露後來尚有為之作計日耳此則又有 兄地者是以姑請表兄暫至故鄉一酹先世墳墓而未 已盡而清家素寒儒亦朝暮僅給顧未有可以為吾表

大型可亞 人工

Į

虚齋集

午

斯力也母論生人王氏之思有知亦當思結草於地 令得因便至京與清一會然後就與圖歸計則斯恩也 成就之令歸其所以續其絕如其未然則一二年間且 望願得執事慨然施德於不報之地二三年內為主張 斯文骨內之義皆君子所不廢以是不自揣量私心過 兄情事如此亦都中赤子之未得其所者况郷邦之愛 之兹幸吾威德鄉尊為之大父母作其所寓之郡如表 之計也清聞人有所當為而力未能為者天每有以相

銀分四母全書

ここうここここ 矣但願吾嫂片心常念亡者常念王氏祖宗保育幻孤 吾兄不幸忍至於此清今無可說矣哀告亦無可奈何 語亦不是過矣 區處之懇祈莫盡因吴大使回便徑布其私雖至親前 公道而表兄亦頗自解此意矣惟執事更有以教之善 亦不宜復有干取當悉以返諸鄭氏不使至累執事之 矣然清表兄既得謝鄭氏以去則鄭父所遺雖最微末 寄蕭山嫂 • **建新集** Ŧ

銀定匹庫全書 義看此子紀他日子紀成器則吾嫂之享福亦自然而 晚也深知嫂從前辛苦今又獨撫孤幻有不勝其艱難 必得相見以圖後事長姪女今年機十五歲古人二十 教訓二女節衣節食避寒避暑勤勿至傷勞其筋骨魚 者然比實命也命乃天之所造無可逃移之理惟守志 倚濟有鄭氏之老叔公及叔即清來年或夏或秋或冬 勿至空乏其體膚內所憑恃有吾嫂之父母兄弟外所 而嫁在今世亦多其婚姻候清來年共到泉州議之未

次定四年全島 當益自節用随時附寄此少以助衣食之計今附来細 十年身家舊債未還故至今有欠而無餘然自今以後 寧於地下矣此書幸托令親張秀才為讀說過清只因 者已絕今全靠吾嫂養成此子以繼其絕也吾嫂償或 絲銀叁兩備用切不可被人欺謊妄費分毫盖此銀在 失顧護則王氏宗祀乃吾嫂負之而亡者有知亦不得 必自能做人惟吾嫂保養之保養之王氏一派在泉州 然矣又等命者皆謂好子八字儘好可保養成他日亦 i V 虚癖集 놀

克忠於上司及府縣告状務必本利追完然後起身惟 因清本身去就事未决不意遷近直至於今有殺書 吾嫂以實告之此两家借銀者量不是好人疑有欺孤 清亦甚難得者前年兄在時有本銀十两借人未知今 弱寡之心當以官府公道斷之也克忠正二月便欲 已還未其回京,時有本銀五两借人今就須討起已令 帖奉祭兄靈性酒銀伍錢著克忠臨時備用言不能盡 甚負甚負萬乞情察外有香一東木綿布二疋祭文一 信 回

金以四屋 台電

矣惟内外諸親列位前乞一一引名拜意勿遽間不能 各具書禮

寓徐州寄存畏

登進士後父子始相見其居在在以公亷者稱若人者 商出公民生母獨鞠育之南七八歲自知力學至二十 近時浙江左布政何公宜福建福清人也方在娘父以

宣必皆有父日教督之始能成人哉况汝又幸自有汝

父在惟勉之汝身雖不在我傍吾心則常在汝身也古

文已口巨白馬 .

虛齊集

生生

本學接連思得不肖元由本學教養出身基本之地愧 學生徒日衆不足以容如欲增建亦苦無地此地幸 ·免员四月至書 **文四至登載上手契書元有荔枝等果木在内因見本** 已置園地一所坐落本縣儒學背後周圍約有六十餘 男兒能自強者何限以非目及姑置之何公事則當今 人人所知者故特書以寄汝吾且不久取汝來也 丁憂南京吏部即中終清係泉州府晉江縣在城人有 送園地入縣學東

契書 **を見り見と言** 子孫亦决不敢争執今特親筆立此文契并粘帶上手 列位伏望采其微誠而不之卻至願 無分毫補報情愿送入此地來歷並無分毫不明日後 紙敬送本學掌教林先生司訓韓先生劉先生 9 虛齋集 古

我分四月 全書 虚蘇集卷二